

Na osnovu čl. 13. stav 2. alineja 4. Zakona o principima lokalne samouprave u Federaciji Bosne i Hercegovine («Službene novine Federacije Bosne i Hercegovine» broj: 49/06), člana 13. stav 1. točka 3. Zakona o pripadnosti javnih prihoda u Federaciji Bosne i Hercegovine («Službene novine Federacije Bosne i Hercegovine» broj: 22/06, 43/08 i 22/09), te člana 28. Statuta općine Bosanska Krupa («Službeni glasnik općine Bosanska Krupa» broj: 3/08), Općinsko vijeće općine Bosanska Krupa, na prijedlog Općinskog načelnika, na sjednici održanoj dana 30.12.2009. godine, donijelo je:

## **ODLUKU**

### **o komunalnim taksama i tarifi komunalnih taksi**

#### **Član 1.**

Ovom Odlukom propisuju se komunalne takse, njihova visina, obveznici plaćanja, način plaćanja, način obračuna i tarifa komunalne takse na području općine Bosanska Krupa.

#### **Član 2.**

Komunalne takse plaćaju se na depozitni račun budžeta općine Bosanska Krupa za korištenje predmeta, prostora ili pružanja usluga za čije korištenje je propisano plaćanje komunalne takse, te se u postupku utvrđivanja visine komunalne takse na području općine Bosanska Krupa kao opći kriterij uzimaju:

1. površina poslovnog prostora
2. zona u kojoj se poslovni prostor nalazi
3. vrsta poslovne aktivnosti
4. pogodnosti koje utječu na poslovanje a nisu rezultat sopstvene aktivnosti

Područje općine Bosanska Krupa, shodno tački 2. ovog člana dijeli se u 3. zone:

#### **I zona:**

**Bosanska Krupa:** Ulica Patriotske lige, Ulica Džemaludina Čauševića, Ulica 511. Slavne bbr, Trg Alije Izetbegovića, Ulica ZAVNOBIH-a, Ulica Izeta Nanića, Ulica Stari Grad, Ulica Gimnazijska, Ulica Pazadžik, Ulica Trg Avde Čuka, Ulica Bihačka (do raskršća za naselje Uzune), Ulica 503. Slavne, Kolodvorska ulica (u granicama Reg. plana «Gornje luke»), Ulica Hasana Brkića, Ulica Međumostovi.

**Bosanska Otoka:** Ulica Čaršija, Ulica Novo naselje, Ulica Otočkih heroja do raskršća prema Voloderu.

#### **II zona**

**Bosanska Krupa:** Ulica 5. Korpusa, Ulica Sokak, Ulica Sarajevska, Ulica Aleja Zlatnih ljljana, Ulica Mirsada Crnkića, Ulica V Vahide Maglajlić, Ulica 505. Viteške brigade, Ulica Rasima Redžića, Ulica Goraždanska, Ulica Hatidže Mustedanagić, Ulica Zahum, Ulica I bkb, Ulica Krušnička, Ulica Omladinska, Ulica Bosanska, Ulica Radnička, Ulica, Proleterska, Naselje Lipik, Ulica Gazijska, Naselje Uzune, Ulica Bihačka do Kapetanovig jezera, Ulica Prvomajska (do raskršća sa ulicom Branilaca grada), Ulica Dana nezavisnosti, Ulica Hasana Kokića, Ulica Branilaca grada (u granicama Reg. plana «Krčana»), Ulica Tečija, Ulica Unska, Ulica Kolodvorska (od granice Reg. plana «Gornje luke» do kraja ulice), Ulica Branilaca grada (van granica Reg. plana «Krčana») Ulica Prvomajska (od raskršća sa ulicom Branilaca grada do kraja ulice), podnožje Čojluka, Naselje Hodžinac, Naselje Tarla, Naselje Zalug, Ulica Badička (od raskršća sa Ulicom 101. muslimanske).

**Bosanska Otoka:** Ulica Otočkog bataljona, Ulica Željeznička, Ulica Unska, Ulica Međumostovi, Ulica Radnička, Ulica Voloder (do džamije na Orašlju), Ulica Podmračajska.

#### **III zona**

**Bosanska Krupa:** Ulica Badička, Ulica 101. Muslimanske, Pirovište (dio koji nije obuhvaćen Reg. planom «Pirovište»), Ulica 1o. Jula, padina Čojluka, padina Kobilnjaka, naselje Podvran, Naselje Egeljčići, ostala rubna naselje oko Bosanske Krupe.

**Bosanska Otoka:** Naselje Čevanuše, Naselje Voloder (od džamije na Orašlju do kraja ulice), naselje Manda, Naselje formirano od kraja ulice Otočkih heroja do raskršća ulica Bužimski put i Ivanjski put).

**Sela:** Jezerski, Mahmić Selo, Pištaline, Ljusina, Vranjska, Gudavac, Jasenica, Ostružnica, Arapuša, Veliki Badić i ostala područja koja nisu obuhvaćena niti u jednoj od gore navedenih zona.

#### **Član 3.**

Komunalna taksa se prijavljuje nadležnoj poreznoj ispostavi, na sljedećim obrascima i to:

1. Prijava komunalne takse na istaknutu firmu, za oglase, reklame i držanje aparata za igre na sreću i zabavne igre -
2. Prijava za zauzimanje trotoara i drugih javnih površina uz poslovni prostor
3. Prijava za držanje žive muzike

Naziv poreznog obveznika:.....								
Adresa: .....								
IDENTIF.BROJ POR.OBVEZNIKA : .....								
POREZNA UPRAVA - KANTONALNI URED BIHAĆ								
ISPOSTAVA BOSANSKA KRUPA								
<b>PRIJAVA TAKSE NA ISTAKNUTU FIRMU ZA _____ godinu</b>								
Tar.br.4 Tarife Općinske odluke o komunalnim taksama								
Red.b r.	Naziv rad.jedinice	Adresa	Djelatnos t		Iznos takse	ZONA	Umanj Odluke	Iznos po umanjenu
1								
2								
3								
4								
5								
6								
7								
8								
9								
10								
	U K U P N O :	xxx	xxx					
<b>PRIJAVA KOMUN.TAKSE NA ISTAKNUTE OGLASE, REKLAME I PANOJE</b>								
<b>NA ZGRADAMA, PUTEVIMA I DRUGIM JAVNIM MJESTIMA ZA _____ godinu</b>								
Tar.br. 5 Tarife Općinske odluke o komunalnim taksama								
Red.b r.	Opis (oglas, reklama, pano)	Adresa			Iznos takse			
1								
2								
3								
4								
5								
	U K U P N O :	xxx						
<b>PRIJAVA KOMUNALNE TAKSE ZA DRŽANJE IGARA NA SREĆU I ZABAVNIH IGARA ZA _____ g</b>								
Tar.br. 3 Tarife Općinske odluke o komunalnim taksama								
Red.b r.	Vrsta sredstva	Adresa			Broj jedinica	Iznos takse po jedinici	Ukupan iznos takse	
1								
2								
3								
4								
5								
6								
7								
	U K U P N O :	xxx			xxx	xxx	xxx	

Uplata takse vrši se u ukupnom godišnjem iznosu na depozitni račun općine Bosanska Krupa **3380002200041552**, sa naznakom vrste prihoda **722321**, i općine **008**

Napomena: kod unošenja djelatnosti radne jedinice ili radnje naznačite djelatnost sa rješenja općinskog organa, jer po tom rješenju se utvrđuje visina komunalne takse  
 Bos.Krupa, dana ..... 2010.godine Podnosilac prijave (ovl.lice ili vlasnik radnje)  
 Utvrđuje se sadržaj i forma obrazaca za prijavu komunalne takse kako slijedi:

Naziv poreznog obveznika.....  
Adresa .....  
IDENTIFIKACIONI BROJ .....

POREZNA UPRAVA – KANTONALNI URED BIHAĆ  
ISPOSTAVA BOSANSKA KRUPA

**PRIJAVA KOMUNALNE TAKSE ZA ZAUZIMANJE  
TROTOARA I DRUGIH JAVNIH POVRŠINA UZ POSLOVNI PROSTOR  
ZA MJESEC 2010 godinu**

RED. BROJ	UGOSTITELJI				TRGOVCI				OSTALO			
	BROJ SJEDIŠTA	IZNOS PO SJEDIŠTU DNEVNO	BROJ DANA	MJESEČNI IZNOS KOM TAKSE	VELIČINA PROSTORA	KT PO DANU ZAUZIMANJA	BROJ DANA	MJESEČNI IZNOS KOM. TAKSE	BROJ MJESTA	IZNOS PO DANU ZA MJESTO	BROJ DANA	IZNOS ZA PERIOD

Taksa se plaća mjesečno do 5-tog za predhodni mjesec.

Uplata takse vrši se na depozitni račun općine Bosanska Krupa, broj **338-000-22000415-52**, sa naznakom vrste prihoda **722321** i općina **008**

Bosanska Krupa, dana .....2010. godine

**PODNOŠILAC PRIJAVE**

( ovlašteni radnik ili vlasnik radnje)

\_\_\_\_\_

Naziv poreznog obveznika  
Adresa  
IDENTIFIKACIONI BROJ  
POREZNA UPRAVA – KANTONALNI URED BIHAĆ  
ISPOSTAVA BOSANSKA KRUPA

PRIJAVA KOMUNALNE TAKSE ZA DRŽANJE «ŽIVE» MUZIKE

Tarifni broj 1. Tarife Općinske odluke o komunalnim taksama  
za period od            do            2010

Red. broj	NAZIV OBVEZNIKA	ADRESA OBVEZNIKA	IZVOĐAČ MUZIKE I ADRESA	PERIOD		BROJ DANA	IZNOS KT PO DANU	UKUPAN IZNOS K.TAKSE
				OD	DO			
1								
2								
3								

**OBRAZAC 3**

Taksa se plaća DAN POSLIJE ODRŽAVANJA za jednodnevne aranžmane uz prijavu gostovanja priredbe.

Uplata takse vrši se na depozitni račun općine Bosanska Krupa, broj **338-000-22000415-52**, sa naznakom vrste prihoda **722321** i općina **008**

Bosanska Krupa, dana .....2010.godine

PODNOŠILAC PRIJAVE

\_\_\_\_\_  
( ovlašteni radnik ili vlasnik radnje)

Prijave se podnose poreznoj upravi i to:

- do 31.01. (tridesetprvog januara) tekuće godine za tekuću godinu za prijavu komunalne takse na istaknutu firmu
- 3 (tri) dana prije održavanja estradnog programa prijava za držanje žive muzike
- do svakog 5-og u mjesecu za prethodni mjesec prijava za zauzimanje trotoara i drugih javnih površina uz poslovni prostor.

Promjene nastale poslije 1. januara tekuće godine, odnosno u toku godine, takseni obveznik dužan je prijaviti Poreznoj upravi najkasnije u roku od 15. dana od dana nastanka promjene.

#### Član 4.

Komunalne takse plaćaju se za:

1. Istaknutu firmu
2. Reklamne natpise
3. Privremeno zauzimanje javnih površina
4. Prodaju roba ili pružanje usluga izvan poslovnih prostorija
5. Priređivanje zabavnih igara i igara na sreću
6. Organiziranje i držanje žive muzike u ugostiteljskim objektima
7. Korištenje prostora za kampove

#### Član 5.

1. Pod istaknutom firmom podrazumijeva se ime pod kojim pravno ili fizičko lice posluje.
2. Pod reklamnim natpisima podrazumijevaju se sve vrste istaknutih natpisa na urbanom području općine kojim se reklamiraju proizvodi, usluge i dobra.
3. Pod zauzimanjem javnih površina podrazumijeva se zauzimanje istih za održavanje javnih manifestacija uz naplatu ulaznica (koncerti, video projekcije i sl.). komercijalnih prezentacija i prigodnih prodaja dobara.
4. Pod prodajom roba i pružanjem usluga izvan poslovnih prostorija podrazumijeva se pružanje ugostiteljskih usluga u ljetnim baštama (registriranim uz već postojeću vrstu ugostiteljskog objekta), izlaganje roba u vitrinama, prodaja roba na pokretnim stolovima, postavljanje i korištenje bankomata i aparata za prodaju proizvoda u originalnom pakovanju i pružanje ugostiteljskih usluga.
5. Pod priređivanjem zabavnih igara i igara na sreću podrazumijeva se priređivanje zabavnih igara putem predmeta, aparata i drugih sredstava gdje je dobitak isključivo u određenom broju igara, priređivanje igara putem elektronskih ili mehaničkih aparata koji tokom igre omogućuju igraču dobitak u novcu ili žetonima koji su naplativi u novcu, priređivanje igre na automatima u posebnim klubovima (slot) s mogućnošću višestrukog uloga i dobitka.
6. Pod organiziranjem i držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga.
7. Pod korištenjem prostora za kampove podrazumijeva se korištenje slobodnih površina za kampove (šatori, prikolice i sl) i drugu privremenu upotrebu slobodnih površina.
8. Pod površinom poslovnog prostora podrazumijeva se korisna površina na kojoj se obavlja odobrena poslovna aktivnost i pomoćne prostorije potrebne za obavljanje iste.
9. Pod zonom u kojoj se poslovni prostor nalazi podrazumijevaju se 3. zone kojima je područje općine Bosanska Krupa podijeljeno.
10. Pod vrstom poslovne aktivnosti podrazumijeva se opis aktivnosti kojom fizičko ili pravno lice ostvaruje fizički obim rezultata svoga rada.
11. Pod pogodnostima koje utječu na poslovanje a nisu rezultat sopstvene aktivnosti podrazumijevaju se one pogodnosti koje su određene subjekte stavile u monopolistički položaj nastale administrativnim uređenjem.

#### **Član 6.**

Obveznik takse je svako pravno i fizičko lice koje koristi predmet, prostor ili uslugu za čije korištenje je propisano plaćanje takse.

#### **Član 7.**

Komunalna taksa se obračunava danom početka odnosno prestanka korištenja predmeta, prostora ili usluge, odnosno srazmjerno vremenu od dana nastanka taksene obaveze do kraja tekuće godine.

Kod utvrđivanja iznosa komunalne takse za istaknutu firmu podrazumijeva se površina poslovnog prostora utvrđena rješenjem nadležnog organa odnosno zapisnikom o popisu površina prostora od strane nadležne općinske komisije, cijena po 1m<sup>2</sup> i koeficijent pogodnosti i ista se obračunava množenjem istih (površina x cijena x koeficijent = visina komunalne takse). Za poslovne aktivnosti kod kojih nije uslov postojanje poslovne prostorije, visina komunalne takse utvrditi će se na osnovu vrste aktivnosti.

#### **Član 8.**

Visina komunalne takse u osnovnom i konkretnom iznosu utvđuje se za I zonu..

Visina komunalne takse u II zoni se umanjuje za 20% u III zoni se umanjuje za 30% od iznosa utvrđenog u prvoj zoni.

Za trgovačke i ugostiteljske objekte i objekte u kojima se obavljaju uslužne aktivnosti, koji se nalaze pored magistralnog puta van I zone i raskrsnicama na magistralnom putu van I zone će se primjenjivati takse utvrđene za I zonu.

Za privredne subjekte koji se bave proizvodnjom, komunalna taksa ne može biti veća od 500,00 konvertibilnih maraka bez obzira na kvadraturu poslovnog prostora, zonu u kojoj se poslovna aktivnost obavlja i koeficijent pogodnosti, a za sve ostale obveznike visina komunalne takse ne može biti veća od 7000,00 KM,

#### **Član 9.**

Rokovi za plaćanje komunalne takse su:

- za istaknutu firmu, reklamne natpise, priređivanje zabavnih igara i igara na sreću – taksa se plaća godišnje unaprijed (početkom kalendarske godine za poslovnu godinu)
- za privremeno zauzimanje javnih površina, prodaju roba ili pružanje usluga izvan poslovnih prostorija, organiziranje i držanje žive muzike u ugostiteljskim objektima i korištenje prostora za kampove – taksa se plaća 3. dana od dana nastanka taksene obaveze.

#### **Član 10.**

Porezna uprava Federacije Bosne i Hercegovine za naplatu taksi u skladu sa ovom Odlukom i Zakonom o poreznoj upravi Federacije Bosne i Hercegovine.

#### **Član 11.**

Porezna uprava prijavu u ime taksenog obveznika ako obveznik takse nije podnio prijavu u roku od 15. dana od roka utvrđenog članom 3. ove Odluke.

#### **Član 12.**

Nadležni općinski organ uprave, policijski i inspekcijski organi dužni su Poreznoj upravi dostavljati podatke, odobrenja i informacije o korištenju predmeta, prostora i usluga od značaja za evidentiranje, razrez i naplatu takse.

#### **Član 13.**

Porezna uprava će u roku od 30. dana po zahtjevu pravnog ili fizičkog lica izvršiti povrat uplaćenih sredstava licu koje je platilo taksu koju po odredbama ove Odluke nije bilo dužno da plati, kao i lice koje je preplatilo taksu.

#### **Član 14.**

Općinski načelnik će formirati trajnu stručnu Komisiju od tri člana koja će po zahtjevu Porezne uprave i općinskog načelnika vršiti mjerenje površine poslovnih i pomoćnih prostora u kojima se obavlja poslovna aktivnost.

#### **Član 15.**

U dijelu razreza taksi, naplate, zastare, povrata i ostalih radnji koje nisu posebno regulisane ovom Odlukom primjenjivat će se odredbe Zakona o poreznoj upravi.

#### **Član 16.**

Od plaćanja komunalnih taksi oslobođeni su:

-sva lica koja obavljaju djelatnosti utvrđene Odlukom o utvrđivanju niskoakumulativnih i deficitarnih zanatskih, proizvodnih i uslužnih djelatnosti na području Unsko-Sanskog kantona (Službeni glasnik USK broj 7/03), osim djelatnosti prevoz putnika taksi vozilima i brijačke djelatnosti

-organi i tijela državne, federalne, kantonalne i općinske vlasti

-javne ustanove: osnovne i srednje škole, obdaništa, Gradska biblioteka, Centar za socijalni rad, Centar za kulturu, obrazovanje i informisanje, Gradska galerija, Dom zdravlja te javna preduzeća: Javno komunalno preduzeće, Radio Bosanska Krupa i Veterinarska stanica te udruženja iz oblasti sporta, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrirani i političke stranke.

-organizacije Ratnih vojnih invalida, organizacije porodica šehida i poginulih boraca, organizacije demobilisanih boraca Armije BiH i organizacije civilnih žrtava rata za ostvarivanje ciljeva iz osnovne djelatnosti za koje su registrirani.

#### **Član 17.**

Od plaćanja takse za istaknutu firmu oslobađaju se fizička i pravna lica koja su registrirala djelatnosti i to:

-za prvu godinu rada - 100%

-za drugu godinu rada – 50% od ukupnog iznosa taksene obaveze.

#### **Član 18.**

Visina komunalne takse utvrđuje se Tarifom komunalnih taksi po grupama i obveznicima kako slijedi i to:

### **TARIFA KOMUNALNIH TAKSI**

Tarifa komunalnih taksi koje se plaćaju na području općine Bosanska Krupa je podijeljena na sedam tarifnih brojeva i to:

1. istaknuta firma
2. reklamni natpisi
3. privremeno zauzimanje javnih površina
4. prodaja roba ili pružanje usluga izvan poslovnih prostora
5. priređivanje zabavnih igara i igara na sreću
6. organiziranje i držanje žive muzike u ugostiteljskim objektima
7. korištenje prostora za kampove

#### **Tarifni broj 1.**

(istaknuta firma)

#### **Taksa za istaknutu firmu u I zoni plaća se:**

**Grupa I** (poslovni prostori sa cijenom 1m<sup>2</sup> od 9,00 KM i koeficijentom pogodnosti 12):

-priređivanje igara kladjenja na sportske rezultate (kladionice), lutrija i kockarnica (površine do 30m<sup>2</sup>)

**Grupa II** (poslovni prostori sa cijenom 1m<sup>2</sup> od 9,00 KM i koeficijentom pogodnosti 9):

-priređivanje igara kladjenja na sportske rezultate (kladionice), lutrija i kockarnica (površine preko 30m<sup>2</sup>)

**Grupa III** (poslovni prostori sa cijenom 1m<sup>2</sup> od 9,00 KM i koeficijentom pogodnosti 5):

-mikrokreditne organizacije

-telekomunikacije (telekom)

**Grupa IV** (poslovni prostori sa cijenom 1m<sup>2</sup> od 9,00 KM i koeficijentom pogodnosti 4):

-proizvodnja i snabdijevanje električnom energijom

-eksploatacija šuma- Šumsko privredno društvo

-pošta

-osiguravajuća društva

-banke (površine do 150m<sup>2</sup>)

-advokat (površine prostora do 20m<sup>2</sup>)

**Grupa V** (poslovni prostori sa cijenom 1m<sup>2</sup> 9,00 i koeficijentom pogodnosti 3):

-advokat (površine prostora preko 20m<sup>2</sup>)

-notar

-projektirni biro

-softverske usluge

-banke (površine preko 150m<sup>2</sup>)

**Grupa VI** (poslovni prostori sa cijenom 1m<sup>2</sup> 9,00 KM i koeficijentom pogodnosti 2):

-izvršne jedinice pošte

-agencije, filijale, mjenjačnice banke

**Grupa VII** (poslovni prostori sa cijenom 1m<sup>2</sup> 9,00 KM i koeficijentom pogodnosti 1,2):

-privatne škole, obdaništa, fakultete i sl.  
-knjigovodstvene usluge

**Grupa VIII** (poslovni prostori sa cijenom 1m<sup>2</sup> 9,00 KM i koeficijentom pogodnosti 1,1):

-trgovina na malo naftom i naftnim derivatima (benzinske pumpne stanice)  
-apoteke

**Grupa IX** (poslovni prostori sa cijenom 1m<sup>2</sup> 9,00 KM i koeficijentom pogodnosti 0,9):

-medicinska praksa (privatne ordinacije)  
-veterinarske djelatnosti

**Grupa X** (poslovni prostori sa cijenom 1m<sup>2</sup> 9,00 KM i koeficijentom pogodnosti 0,30):

-trgovina na veliko i malo  
-tehnički pregled vozila

**Grupa XI** (poslovni prostori sa cijenom 1m<sup>2</sup> 9,00 KM i koeficijentom pogodnosti 0,20):

-pilane  
-tržnica na malo (pijaca)

**Grupa XII** (poslovni prostori sa cijenom 1m<sup>2</sup> 9,00 KM i koeficijentom pogodnosti 0,15):

--ugostiteljske radnje površine do 500m<sup>2</sup>

**Grupa XIII** (poslovni prostori sa cijenom 1m<sup>2</sup> 9,00 KM i koeficijentom pogodnosti 0,10):

-poslovne aktivnosti u oblasti obrta (usluge i proizvodnja)  
-ugostiteljske radnje površine preko 500m<sup>2</sup>

**Grupa XIV** (poslovni prostori sa cijenom 1m<sup>2</sup> 9,00 KM i koeficijentom pogodnosti 0,07):

-skladišta-stovarišta

Za poslovne aktivnosti za koje nije propisano postojanje poslovne prostorije plaća se:

-eksploatacija dolomita ..... 2500,00 KM godišnje  
-eksploatacija šljunka ..... 1.000,00 KM godišnje  
-građevinarstvo (visokogradnja i niskogradnja)... 900,00 KM godišnje  
-proizvodnja asfalta i betona ..... 500,00 KM godišnje  
-poslovanje nekretninama i iznajmljivanje ..... 800,00 KM godišnje  
-ostale obrtničke aktivnosti kojima nije uslov  
postojanje poslovne prostorije..... 90,00 KM godišnje

#### **Tarifni broj 2.**

(reklamni natpisi)

#### **Taksa za reklamne natpise u I zoni utvrđuje se:**

1. za 1m<sup>2</sup> površine reklamnog natpisa..... 80,00 KM godišnje
2. za isticanje reklamnog natpisa na tendama po komadu ..... 30,00 KM godišnje
3. za WALLSCAPE površine do 20m<sup>2</sup> po komadu ..... 500,00 KM godišnje
4. za WALLSCAPE površine preko 20m<sup>2</sup> po komadu ..... 700,00 KM godišnje
5. za sve reklamne natpise do 1m<sup>2</sup> površine ..... 70,00 KM godišnje

#### **Tarifni broj: 3.**

(privremeno zauzimanje javnih površina)

#### **Taksa za privremeno zauzimanje javnih površina u I zoni utvrđuje se:**

1. za održavanje javnih manifestacija uz naplatu ulaznica ..... 0,50 KM/1m<sup>2</sup> dnevno
2. za održavanje komercijalnih prezentacija i prigodnih  
prodaja proizvoda ..... 2,00 KM/1m<sup>2</sup> dnevno



**Tarifni broj 4.**

(prodaja roba ili pružanje usluga izvan poslovnih prostora)

**Taksa za prodaju roba ili pružanje usluga izvan poslovnih prostora u I zoni utvrđuje se:**

1. za pružanje ugostiteljskih usluga van ugostiteljskih objekata plaća se:
  - u vrijeme sezone ..... 3 KM/1m<sup>2</sup> mjesečno
  - van sezone ..... 1 KM/1m<sup>2</sup> mjesečno
2. za držanje vitrina radi izlaganja i prodaje roba izvan poslovnih prostora plaća se u I zoni..... 50,00 KM mjesečno
3. za postavljanje pokretnih stolova radi prodaje na period duži od jednog mjeseca plaća se u I zoni ..... 50,00 KM mjesečno
4. za postavljanje i korištenje bankomata u I zoni godišnje plaća se ..... 500,00 KM po jednom bankomatu
5. za postavljanje i korištenje aparata za prodaju originalnih proizvoda i pružanje usluga u I zoni godišnje plaća se ..... 200,00 KM po jednom aparatu

**Tarifni broj 5.**

(priređivanje zabavnih igara i igara na sreću)

**Taksa za priređivanje zabavnih igara i igara na sreću u I zoni plaća se:**

1. priređivanje igara na bilijar stolovima, fliperima, automatima, pikadu i sl. plaća se godišnje ..... 40,00 KM po komadu
2. za priređivanje igara na sreću putem elektronskih ili mehaničkih mašina i automata (slot, poker aparati i sl.) plaća se u I zoni godišnje ..... 3.000,00 KM po aparatu

**Tarifni broj 6.**

(organiziranje i držanje žive muzike u ugostiteljskim objektima)

**Taksa za organiziranje i držanje žive muzike u ugostiteljskim objektima plaća se u I zoni:**

- radnim danima ..... 20,00 KM dnevno
- u dane vikenda i državnih praznika ..... 50,00 KM dnevno

**Tarifni broj 7.**

(korištenje prostora za kampove)

**Taksa za korištenje prostora za kampove plaća se:**

- za svaki šator..... 2,00 KM dnevno
- za prikolicu ..... 2,00 KM dnevno

**Član 19.**

Danom stupanja na snagu ove Odluke prestaje da važi Odluka o komunalnim taksama i tarifi komunalnih taksi broj: 01/V-02-799-3-1/07 od 17.05.2007. godine («Službeni glasnik općine Bosanska Krupa» broj: 5/07) i Odluke o izmjenama i dopunama Odluke o komunalnim taksama i tarifi komunalnih taksi broj: 01/V-02-21-2-1/09 od 15.01.2009. godine («Službeni glasnik općine Bosanska Krupa» broj: 1/09) .

**Član 20.**

Ova Odluka stupa na snagu danom objavljivanja u Službenom glasniku općine Bosanska Krupa a primjenjivati će se od 01.01.2010. godine.

**Broj:01/V-02-3964-3-109.**

**Dana: 30.12.2009 .godine**

**PREDSJEDAVAJUĆI  
OPĆINSKOG VIJEĆA  
Srdić Dragoljub, dipl. ecc. s. r.**

Na osnovu čl. 13. stav 2. alineja 4. Zakona o principima lokalne samouprave u Federaciji Bosne i Hercegovine (Službene novine Federacije Bosne i Hercegovine broj 49/06), člana 13. stav 1. točka 3. Zakona o pripadnosti javnih prihoda u Federaciji Bosne i Hercegovine ( Službene novine Federacije Bosne i Hercegovine broj 22/06, 43/08 i 22/09), te člana 28.

Statuta općine Bosanska Krupa (Službeni glasnik općine Bosanska Krupa broj 3/08), Općinsko vijeće općine Bosanska Krupa, na prijedlog Općinskog načelnika, na XLIV redovnoj sjednici održanoj dana 30.11.2011.godine, donijelo je:

## **O D L U K U**

### **O IZMJENAMA I DOPUNAMA ODLUKE O KOMUNALNIM TAKSAMAMA**

#### **Član 1.**

U članu 3. stav 1. iza riječi „poreznoj ispostavi dodaju se riječi „odnosno nadležnoj općinskoj službi“.

U članu 3. stav 1, iza tačke 3 dodaju se tačke:

„4. Prijava komunalne takse na Korištenje uređaja za pružanje usluga mobilne telefonije

5. Prijava komunalne takse na postavljanje strujnih vodova

6. Prijava komunalne takse na postavljanje kablovske televizije

7. Prijava komunalne takse na instaliranje bežičnog interneta“

U članu 3. stav 1, iza riječi „ Utvrđuje se sadržaj i forma obrazaca za prijavu komunalne takse“ dodaje se „ za Prijavu

komunalne takse na istaknutu firmu, za oglase, reklame i držanje aparata za igre na sreću i zabavne igre, prijavu za držanje

žive muzike i prijava za zauzimanje trotoara i drugih javnih površina uz poslovni prostor, a obrazce za prijavu komunalne

takse za korištenje uređaja za pružanje usluga mobilne telefonije, prijavu komunalne takse na postavljanje strujnih vodova,

prijavu komunalne takse na postavljanje kablovske televizije i prijavu komunalne takse na instaliranje bežičnog interneta,

utvrđuje nadležna općinska služba u roku od 15. (petnaest) dana od dana donošenja ove Odluke“.

U članu 3. stav 2. riječi:“prijave se podnose poreznoj upravi i to“ brišu se i dodaju riječi: „ rok za podnošenje prijave je“

U članu 3. stav 2.dodaje se alineja:

„-do 31.01. (tridesetprvog januara) tekuće godine za tekuću godinu za prijavu komunalne takse na korištenje uređaja

za pružanje usluga mobilne telefonije, postavljanje strujnih vodova, postavljanje kablovske televizije i instaliranje bežičnog interneta“

U članu 3.dodaje se novi stav 3. i glasi:

Obveznik komunalne takse dužan je prije početka korištenja predmeta, prostora ili pružanja usluga za čije korištenje je ovom

Odlukom propisano plaćanje takse podnijeti prijavu:

-za komunalnu taksu iz člana 4. tačka 1. i 5 –Poreznoj upravi- Ispostava Bosanska Krupa

-za komunalnu taksu iz člana 4. tačka 2, 3, 4, 6,7, 8,9, i 10 – nadležna općinska služba.

#### **Član 2.**

U Odluci o komunalnim taksama i tarifi komunalnih taksi (Službeni glasnik općine Bosanska Krupa, broj: 12/09), u

članu 4. tačka 7. mijenja se i glasi:

„7. Korištenje uređaja za pružanje usluga mobilne telefonije“

I dodaju se nove tačke:

8. Postavljanje strujnih vodova

9. Postavljanje kablovske televizije

10.Instaliranje bežičnog interneta .

#### **Član 3.**

U članu 5. tačka 7.mijenja se i glasi:

„ Pod korištenjem uređaja za pružanja mobilne telefonije podrazumijevaju se sljedeći uređaji i oprema:

-bazne stanice mobilne telefonije

-mikrobazne stanice mobilne telefonije

-predajnici (pasivni repetitori)

-antene i stupovi

I dodaju se nove tačke:

12.Pod postavljanjem strujnih vodova podrazumijeva se postavljanje podzemnih i nadzemnih strujnih vodova .

13.Pod postavljanjem kablovske televizije podrazumijeva se instaliranje kablovske televizije po svakom korisniku te korištenje stupova ulične rasvjete koji su u vlasništvu općine Bosanska Krupa a koji se koriste za potrebe kablovske televizije (taksa po svakom stupu)

14.Pod instaliranjem bežičnog interneta podrazumijeva se sljedeće:

- bazne stanice bežičnog interneta
- mikrobazne stanice
- predajnici
- antene i stupovi

#### **Član 4.**

U članu 8. iza riječi „a za sve ostale obveznike visina komunalne takse ne može biti veća od 7000,00 KM“, dodaje se

zarez i riječi „osim za obveznike po osnovu naplate iz člana 4. tačka 7, 8, 9, i 10.

U članu 8. stav 4. riječi:“ a za sve ostale obveznike visina komunalne takse ne može biti veća od 7000,00

KM“,mijenjaju se i glase : „a za sve ostale obveznike visina komunalne takse ne može biti veća od 10 000,00 KM“.

#### **Član 5.**

U članu 10. stav 1. iza riječi „Porezna uprava Federacije Bosne i Hercegovine“ dodaju se riječi “i nadležna općinska služba“ a riječi „nadležna je“ brišu se i dodaju riječi „nadležne su“.

#### **Član 6.**

U članu 11. stav 1. iza riječi „Porezna uprava“ dodaju se riječi „i nadležna općinska služba“ a riječi „ima ovlaštenje da podnese“ brišu se i dodaju „imaju ovlaštenje da podnesu“.

#### **Član 7.**

U članu 13. stav 1. iza riječi „Porezna uprava“ dodaju se riječi „i nadležna općinska služba“ .

#### **Član 8.**

U članu 17.alineja 1. dodati-„računajući prvu godinu rada zaključno s 31.12. tekuće godine“

#### **Član 9.**

U članu 18. stav 1. tačka 7. –briše se

#### **Član 10.**

U Tarifi komunalnih taksi, Tarifni broj 1.u dijelu Poslovnih aktivnosti za koje nije propisano postojanje poslovne prostorije, alineja: 1, iza riječi: „eksploatacija“ , dodaje se zarez i riječi: „ proizvodnja ili prodaja“

U Tarifi komunalnih taksi, Tarifni broj 1.u dijelu Poslovnih aktivnosti za koje nije propisano postojanje poslovne

prostorije,alineja: 6. iza riječi: „ostale obrtničke aktivnosti kojima nije uslov postojanje poslovne prostorije, dodaje se : „ i

posredništvo u trgovini, bez obzira na zonu“

U Tarifi komunalnih taksi, Tarifni broj 1.u dijelu Poslovnih aktivnosti za koje nije propisano postojanje poslovne

prostorije, dodaje se alineja 7. i glasi:

„- deminerska djelatnost	750,00 KM godišnje“
--------------------------	---------------------

U Tarifi komunalnih taksi, Tarifni broj 1.u dijelu Poslovnih aktivnosti za koje nije propisano postojanje poslovne

prostorije, dodaje se alineja 8. i glasi:

„- djelatnosti prevoza ( po vozilu)	90,00 KM godišnje“
-------------------------------------	--------------------

U Tarifi komunalnih taksi, Tarifni broj 1.u dijelu Poslovnih aktivnosti za koje nije propisano postojanje poslovne

prostorije, dodaje se alineja 9. i glasi:

„ djelatnosti cijepanja drveta, bez obzira na zonu	90,00 KM godišnje“
--	--------------------

U Tarifi komunalnih taksi, Tarifni broj 1.u dijelu Poslovnih aktivnosti za koje nije propisano postojanje poslovne

prostorije, dodaje se alineja 10. i glasi:

„ugostiteljski objekti vrste kamp , bez obzira na zonu	300,00 KM godišnje“
--	---------------------

U Tarifi komunalnih taksi, Tarifni broj 7.- briše se i dodaje:

bazna stanica mobilne telefonije	8.500,00 KM godišnje
mikrobazne stanice mobilne telefonije	4.000,00 KM godišnje
predajnici (pasivni repetitori) mobilne telefonije	1.600,00 KM godišnje
antene i stupovi mobilne telefonije	1.600,00 KM godišnje
postavljanje strujnih vodova nadzemnih i podzemnih (po jednom metru dužine)	0,20 KM godišnje
postavljanje kablovske televizije – po svakom korisniku	12,00 KM godišnje
za korištenje stupova ulične rasvjete koji su u vlasništvu općine Bosanska Krupa a koji se koriste za potrebe kablovske televizije (taksa po svakom stupu)	10,00 KM godišnje
bazna stanica bežičnog interneta	7.000,00 KM godišnje
mikrobazne stanice bežičnog interneta	3.500,00 KM godišnje
predajnici bežičnog interneta	1.400,00 KM godišnje
antene i stupovi bežičnog interneta	1.400,00 KM godišnje

**Član 11.**

Ova odluka stupa na snagu danom objavljivanja u "Službenom glasniku općine Bosanska Krupa", a primjenjivat će se od 01.01.2012. godine.

**Broj:** 01/V-02-5772-5-1/11. **PREDSJEDAVAJUĆI**  
**Dana:** 30.11.2011. godine **OPĆINSKOG VIJEĆA**  
*Srdić Dragoljub, dipl.ecc.s.r.*